

ایویننگ گو جری نیوز بلیٹن مورخہ 15 جون 2025

یوہ آکا شوانی جموں ہے عبدالرحمن تے محمد امین انجم تیں خبر سُنو۔ پہلاں خاص خاص خبر۔

*1۔ سرحدی ضلع پونچھ غا کئیں مقامات مانہ دہشت گرد مخالف چھاپہ ماری کی جا رہی ہے۔

*2۔ سالانہ شری امرناتھ جی یاترا تیں پہلاں پہلگام آلا رستہ ور حفاظتی دستاں غی طرفوں اپنا قسم غا پہلا قدم غے طور چہرہ غی شناخت با رے جدید ٹیکنالوجی نصب کی گئی ہے۔

*3۔ اطلاعات و نشریات وزارت غا سیکریٹری نے مقامی مناسبت آلو مواد تیار کرن ور زور پایو۔ جہیزو مقامی ثقافت غو چنگو اثر چھوڑتو وے۔

*4۔ گڈیاں لاریاں با رے وزیر ستیش شرما نے کہیو جے حکومت غی کوششاں غو مقصد جموں کشمیر مانہ امن، بھائی چارہ تے خوشحالی سنگ آگے چلا نو ہے۔

خبراں غی تفصیل نال پہلاں عبدالرحمن۔

Anti Terror Raids

جموں کشمیر پولیس نے اج ضلع پونچھ غا سرحدی علاقان مانہ بہت ساری جگہاں ور دہشت گردی مخالف چھاپا ماریا ہیں۔ یہ چھاپہ ساوجیاں سیکٹر غا گاریاں علاقہ ملحقہ علاقان گا 8 مقامات ور جاری ہیں۔ عہدیداران غو کہنو ہے جے پولیس نے اک سخت کارروائی غے تحت ان چھاپاں غو آغاز کیو۔ تانجے دہشت گردی غا ڈھانچہ مانہ ختم کیو جا سکے، تے پاکستان مانہ مقیم دہشت گردان غی طرفوں سادہ لوح نوجوانان مانہ تخریبی سرگرمیاں واسطے ور غلان غی کوششاں مانہ ناکام بنایو جا سکے۔ اس مہینہ غا آغاز مانہ وی پولیس نے سرحدی ضلع مانہ خفیہ مددگاراں غے خلاف 5 درجن تیں زیا دہ جگہاں ور اس طرح غا چھاپا ماریا تھا۔

Facial Recognition Tech

حفاظتی دستاں نے اک منفرد قدم غے طور ور سالانہ شری امرناتھ جی یاترا تیں پہلاں پہلگام رستہ ور چہرہ غی شناخت با رے جدید ٹیکنالوجی نصب کی ہے۔ یوہ جدید نظام فہرست سیاہ مانہ شامل افراد بشمول ممکنہ دہشت گردان غی تیز پشان واسطے تیار کیو گیو ہے۔ خاص طور ور یاتراں غی آمد غے دوران جد کوئی مشتبہ شخص شناخت وے تے یوہ نظام فوراً حفاظتی اہلکاراں مانہ خبردار کرے، جس غی نگرانی تے رد عمل غی صلاحیت مانہ خاطر خواہ اضافو وے۔ اس طرح غا نظام آئندہ دناں مانہ بالتال رستہ ور وی نصب کیا جائیگا۔ جہیزو کہ حفاظتی نظام غو اک وسیع تر حصو وینگا۔ یاہ نویں ٹیکنالوجی موجودہ حفاظتی نظام غی تکمیل کرے۔ جس مانہ ہمہ جہتی سی سی ٹی وی نگرانی تے یاتراں واسطے آر ایف آئی ڈی ٹیکنگ شامل ہے۔ جس غو مقصد یاتراں غا حقیقی وقت مانہ نگرانی تے ہجوم غو بہتر نظام وے۔

Dharam Deh

روائتی ڈوگری تہوار دھرم دہ جس نانہہ تمدہہ وی کہیں اج مذہبی جوش نال منایو جا رہیو ہے۔ یوہ تہوار بزرگاں نانہہ یا د کرن تے پو تر دریاں مانہہ نہان غی علامت غے طو ر منایو جا ئے۔ تمدہہ غو تہوار جموں خطہ غی ڈوگرہ برادری مانہہ اک ثقافتی تے مذہبی اہمیت رکھے۔ تمدہہ غا اس موقع ور لوک اپنا باپ، دادا غی یا د مانہہ پانی تے کھانو دے رہیا ہیں۔ اس موقع ور اک عقیدت مند غو کہنو تھو۔ بائٹ۔

Dharti Aabha

ضلع انتظامیہ اُدھم پو ر نے ڈپٹی کمشنر سلونی رائے غی قیا دت مانہہ اک ضلع سطحی بیداری کیمپ لایو۔ روائتہال مانہہ لایو یوہ کیمپ ”دھرتی آبھا جن جا تہہ گرام اُتکرش ابھیان غو اک حصو تھو۔ ڈی سی نے کیمپ غو افتتاح کیو۔ جس غو مقصد قبائلی لوکاں تک سرکاری اسکیم پُجا غے اُنہاں نانہہ صحت، تعلیم، مالی شمولیت، سماجی تحفظ تے گذر بسر غا موقع دینو ہے۔ یوہ کیمپ اک ہی تہار کئیں خدمات دئے، جن مانہہ آدھار، راشن کارڈ، آیو ش مان بھارت صحت کارڈ، پنشن واسطے اندراج تے، پی ایم کسان، مُدرا قرضہ تے ایم جی نریگا جیسی اسکیمیں بارے جانکاری دئے۔ اس موقع ور بولتاں وان ڈی سی اُدھم پو ر نے اس طرح کہیو۔ بائٹ۔

Prog Announcement

علاقائی خبراں آلا شعبہ آکاشوانی جموں غی طرفوں بین القوامی یوم یوگ غا سلسلہ مانہہ 20 منٹ غو اک خصوصی مباحثو نشر کیو جا ئے گو۔ یوہ پروگرام 18 جون 2025 بو قت سویر 7 بج غے 10 منٹ ور نشر وے گو۔ اس پروگرام مانہہ مہاری مہمان ویں غی اک مشہور یوگ اچاریہ ڈاکٹر سُجاتا ستھو جیہڑی مہاری زندگیاں مانہہ یوگ غی اہمیت بارے اپنا خیالات سانجھا کریں گی۔ اس مباحثہ غی میزبانی شروتی کھجوریہ تے کُنال شریواتسو کریں گا۔ اسے طرح غی جانکاری حاصل کرن واسطے میڈیم ویو 303 میٹر یعنی 990 کلو ہرٹز تے ایف ایم 100 عشریہ 3 میگا ہرٹز ور آکاشوانی جموں سُننا رہیو۔

مزید خبراں نال محمد امین انجم۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن ائیر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

Secy I&B

وزارت اطلاعات و نشریات غا سیکریٹری سنجے جاجو نے جموں کشمیر غا ثقافتی پس منظر تیں ہم آہنگ مزید مقامی پروگراماں تے مخصوص علاقائی مواد غی تیاری ور زور دتو ہے۔ سرینگر مانہہ دور درشن تے آکاشوانی غی نشریات تے خبراں غی ترسیل غا نظام غا جائزہ غے دوران سنجے جاجو نے کشمیر غا تمام ذرائع ابلاغ یونٹاں نانہہ مقامی زبانیں مانہہ پروگرامینگ تے خبراں غا مواد نانہہ فروغ دین غی ترغیب دتی، تانجے علا قائی رسائی تے ناظرین سنگ تعلق بہتر بنایو جا سکے۔ سیکریٹری موصوف نے کہیو جے جموں کشمیر جیسا خطہ مانہہ عوامی نشریات غو مقصد صرف معلومات دینو ہی نہیں بلکہ ترغیب دینو وی ہونو چاہیے۔

Satish Cyclothon

گڈیاں لاریاں بارے وزیر ستیش شرما نے آج کہیو ہے جے سرکار غی کو شش غو مقصد جموں کشمیر نانہ امن بھائی چارہ تے ترقی نال آگے لے جانو ہے۔ ویں اک پروگرام مانہ اپنا خیالات غو اظہار کر رہیا تھا۔ موصوف نے کہیو جے خطہ غا لوکاں نے حالیہ ہفتاں مانہ بہت گجھ ہوؤ ہے۔ تے ہُن اکھٹا ہو غے کھلن غو ویلو ہے۔ جناب شرما نے کہیو جے اک پُر امن تے متحد سماج بنان مانہ سب غو اک کردار ہے۔ اُنہاں نے یا د کرایو جے کس طرح عمر عبداللہ سرکار نے ہمیشہ اتحاد تے ترقی غی روح نال کم کیو۔ اُنہاں نے اس طرح کہیو۔۔ بانٹ۔۔

JMC Street Play

عام لوکاں غی ذمہ داری بدھان واسطے اک متحرک کوشش مانہ جموں میونسپل کارپوریشن نے جموں کشمیر غی فن ثقافت تے زبانان بارے اکیڈمی غا اشتراک نال اک نکڈ ناٹک غی میزبانی کی۔ ناٹک غو موضوع تھو ”نا تھیڑ سے نال گالی سے سب سمجھائیں غے تالی سے“ یوہ نکڈ ناٹک رگھو ناتھ بازار مانہ منعقد کیو گیو۔

Employment Youth Udh

خود روزگار تے کاروبار نانہ باندو دین واسطے ضلع روزگار تے مشاورت مرکز نے ضلع انتظامیہ اڈھم پور غا تعاون نال کل مشن یوا غے تحت اک روزہ صلاحیت کاروبار تے بیداری بارے میلو منعقد کیو۔ پروگرام غو مقصد مقامی نوجوانان نانہ سرکاری کاروباری پروگرامان نانہ دریافت کرن واسطے تحریک دینو تھو۔ اس سلسلہ مانہ بڑی گنتری مانہ مقامی نوجوانان نے شرکت کی۔ جس تیں کاروبار بارے نوجوانان غی بدھتی دل چسپی غی عکاسی ہوئے۔ اس موقع ور بولتاں واں ڈی سی اڈھم پور سلونی رائے نے نوجوانان نانہ باختیار بنان واسطے انتظامیہ غو واعدو اُجاگر کیو۔ اپنا خیالات غو اظہار کرتاں واں ڈی سی نے اس طرح کہیو۔۔ بانٹ۔۔

Viksit Krishi

کریشی وگیان کیندر سانہ نے سکاسٹ جموں غا بینر تلے وکست کریشی سنکپ ابھیان غے تحت پُر اثر رسائی مکمل کی۔ یاہ مہم مرکزی وزارتِ ذراعت نویں دہلی غی طرفوں شروع کی گئی ہے۔ یوہ پروگرام، سکاسٹ جموں غا وائس چانسلر پروفیسر بی این تریپاٹھی غی دیکھ ریکھ مانہ منعقد ہوؤ۔ یاہ مہم براہ راست پروفیسر سنجے کھجوریہ غی نگرانی مانہ منعقد ہوئی۔ اس سلسلہ مانہ اخباری نمائندان نال گل کرتاں واں وی کے ایس اے سانہ غا نوڈل افسر سنجے کھجوریہ نے اس طرح کہیو۔۔ بانٹ۔۔

اس غے نال ہی خبراں غو یوہ بلیٹن ختم ہوؤ۔